

爾疋舊注攷證

尔疋舊注攷證序

尔疋爲故訓淵海五經梯航故儒者治經必先自尔疋始然羣經皆多古注尔疋自唐代而後但用郭璞注而漢學不傳郭氏自敘云錯綜樊孫博關羣言又曰雖注者十餘然猶未詳備戴東原尔疋文字攷敘曰是書舊注之散見者六家捷爲文學劉歆樊光李巡鄭康成鄭氏實有尔疋注詳釋天北極謂之北辰句下孫炎皆闕佚難已輯綴而今所行郭注復刪節不全邗疑但取唐人五經正義綴緝而成尤多闕漏近世厯城馬氏國翰攷

輯佚經佚注至三百餘種其於尔足古注若健爲文學劉歆樊光李巡孫炎五家皆按照隋書經籍志唐經典釋文敍錄分卷攷列頗爲詳備惟於鄭氏一家吕其僅見周礼疑一事又篤信阮氏元周礼校錢記謝氏啟珉小學攷之說竟闕而不論其羣書徵引明稱尔足舊注者亦隻字未采邗疑據五經正義吕在景純後之沈旋施乾謝嶠顧野王四家取備注者十餘之數尤爲武斷今特博徵羣籍據說文繫傳詩春秋正義齊民要術帝範審官篇後漢書注文選注白

孔六帖釋元應一切經音義開元占經北堂書鈔元
和郡縣志初學記藝文類聚蜀本圖經龍龕手鑑戴
侗六書故及近儒邵晉涵尔疋正義郝懿行尔疋義
疑等書殫心鉤攷抉出尔疋舊注得六十二科皆與
郭注不同而爲馬本漏輯坳爲漢儒舊注謹疑通而
證明之且課兒讀非敢問世也其有歧文脫字無關
師說異同者例从蓋闕概免臚陳咸豐十一年歲次
辛酉夏六月長壽李曾白序于丹興學署

先君子省三公潛心典籍道光乙酉登賢書五戰

春闈不捷閉戶著書不求進取甲辰選授黔江縣
教諭山城避淨著書凡十有餘種皆呂年幼未能
敬讀惟尔足舊注攷證一書係晚年編輯逐条指
授且課滋然讀者是呂略知體例乃成書未久髮
逆陷城先君子從容殉難賊去後匍匐奔殮舊有
書籍隻字無存癸酉鄉試得晤趙云帆廣文于成
都先君之高足也面稱當年拾得先君子著作數
種場後馳赴丹興館於趙氏得封圻阨塞沿邊要
害七省海防三書皆霉溼殘缺字迹不明惟尔足

舊注攷證一書係雲帆借閱原本隻字無譌荷蒙
反璧珍藏待梓允緒丁未供差駐日本使署公餘
之暇訪求遺書得隋著作郎杜臺卿玉燭寶典十
一卷顧黃門原本玉篇三卷半唐釋慧琳一切經
音義一百卷及日本源順所撰和名類聚抄十卷
皆中土久佚而刊之於東洋者佚文古注燦若列
星詳為鈎攷所引尔尺舊注得四十六科內明標
鄭注者都十有四事略加疑證附於正文之後允
緒三十四年十月男滋然謹識於日下江戶

尔疋舊注攷證卷上

長壽李曾白著男滋然補攷

釋詁第一

胎始也

郝氏義疑云一切經音義一引尔疋舊注云胎始
養也邵氏正義亦云眾經音義引尔疋舊注云胎
始養也錢繹方言箋疑台胎陶鞠養也下云尔疋
釋詁胎始也眾經音義一引尔疋胎始養也蓋引
舊注文誤脫注字耳郭注胎未成亦物之始也

言始不言養其注方言厯或曰艾引尔疋云艾養

也

下文艾長也
長有養義

言養不言始郭尔疋胎無養訓

而艾兼通養故變文而言胚胎未成亦物之始也
物始卽有養義益亦折衷舊注而依經立說耳

駿大也補

滋然謹按唐釋慧琳一切經音義八十三郵駿

注引鄭注尔疋云駿馬之美稱也郭注引詩為

下國駿厯玉篇駿馬之美也卽用鄭注尔疋美

大義近下文又云駿長也長大義亦近通作駿

浚俊詩駿命不易駿極于天凡記中庸大學孔子閒居竝引作峻書夙夜浚明有家釋文引馬融注浚大也詩噫嘻釋文浚本亦作駿夏小正云時有俊風初俊羔傳竝云俊者大也說文俊才過於人也然則人之大者爲俊馬之大者爲駿山之大者爲峻水之大者爲浚字雖異而音義通郭氏不用段義故不引鄭氏

怡懌樂也

唐釋元應一切經音義一怡懌注引尔疋注曰怡

心之樂也。懌，意解之樂也。今郭注無此語。邵氏正義郝氏義疑均引爲尔疋舊注。又一切經音義二。怡懌注云尔疋怡懌樂也。郭璞曰怡心之樂也。懌意解之樂也。蓋誤。目舊注爲郭璞語。

滋然謹按慧琳一切經音義三。耽樂注引尔疋取樂過度。今經文郭注均無其語。迨亦舊注。

漠謀也。補。

滋然謹按慧琳一切經音義八十九。惛漠注引鄭注尔疋云漠謂靜察也。楚辭云欲寂寞而絕。

端說文漢謂北方幽冥沙漠也釋文漢孫音莫
舍人云心之謀也心謀卽靜察義郭氏於漢字
無注迨未檢察鄭注耳

辜臯也

郝氏義疑云辜者一切經音義二引尔足舊注云
辜礼義之罪也郭注此節云皆刑罪不專指爪義
之罪言按臯罪通用詩民之無辜何辜命之人鄭
箋並云辜罪也莊子則陽篇云至齊見辜人焉辜
人卽罪人也郝蘭皋謂舊注非是良允

亮信也

亮通作諒字詁云諒今作亮一切經音義十七諒

無注引尔尺舊注云諒知之信也音義引尔尺信

也郭氏謂為尔尺舊注郭本亮無注而於此節展謀詢三字

均引方言曰荆吳淮汭之間曰展燕代東齊曰謀

宋衛曰詢按方言又云眾信曰諒又云諒知也是

諒兼知信二義郭氏漏引此注耳

紹繼也

郭氏紹無注一切經音義八紹隆注引尔尺注云

紹繼道也邵氏正義亦云眾經音義引舊注云紹繼道也惟郝氏義疑以此爲舍人注馬氏國翰輯舍人注从之按一切經音義明云尔足紹胤繼也注云紹繼道也允繼世也春秋隱十一年左傳正義亦止言胤繼也釋詁文舍人云胤繼世也竝未合言紹繼道也句爲舍人注郝馬混而一之當从邵氏正義爲允

劬勉也

郭無注文選豪士賦注引尔足注曰劬美也郝氏

義疑謂所引蓋尔疋舊注之文演連珠注亦引尔疋曰邵美也不稱注者蓋吕豪士賦注已明言尔疋注矣今郭本及羣書所引疋注均無此文決非經文必舊注也

餽進也

龍龕手鑑四引尔疋舊注云餽甘之進也與郭注引詩亂是用餽易曰晉進也詳略不同詩巧言傳餽進也舊注蓋本詩盜言孔甘而爲說郭氏隱采

其義也

瘡病也

龍龕手鑑四引尔疋舊注云瘡勞病也與郭注餘
皆見詩者詳略不同小疋鼓鍾云其德不猶鄭箋
猶當作瘡瘡病也詩胡俾我瘡交相爲瘡毛傳並
云瘡病也通作愉下文愉勞也舊注義顯郭氏云
見詩亦隱用舊注也

祐福也

郭注祐未詳郝氏義疑云一切經音義二引尔疋
舊注云祐天之福也臧鏞堂尔疋漢注云祐字从

古古字訓天周書周祝解天爲古鄭康成堯典注
古天也元鳥箋古帝天也故祜爲天之福今按詩
云受天之祜見於信南山桑扈下武夙云承天之
祜見於士冠夙夙運箋注並云祜福也福稱天者
卽左傳所謂如天之福臧氏引申漢注最爲精切
疇危也

郭氏疇未詳龍龕手鑑二引尔疋舊注云疇事之
危也說文云疇危也爲舊注所本

祜厚也

郭注見詩書郝氏義疏云一切經音義二引尔疋
舊注云祐謂福厚也上文云祐福也舊注依經立
義校郭氏加詳

選見也

郭注行而相值曰見龍龕手鑑四引尔疋舊注云
心不欲見而見曰選列子黃帝篇云選物而不惜
殷敬順釋文選一本作選郭氏殆折衷舊注以立
言耳

窳微也

郭本竄無注微逃藏也邵氏正義云眾經音義引舊注云謂逃竄也又微止也與郭氏微異

嗟嗟也

文選吳都賦注引尔疋舊注云嗟楚人發語端也郭注今河北人云嗟歎音免置而于嗟字無注說文無嗟字釋文嗟本或作𦉑字林云皆嗟字郝蘭皋謂嗟自發端非必楚語邵二雲謂郭曰河北人讀嗟音如置各曰方俗爲證也

息也

郭注憩見詩詩甘棠傳及華嚴經音義下引珠叢
竝云憩息也一切經音義二憩駕注引尔足舊注
云憩止之息也又十九引舍人云憩臥之息也郭
氏吕詩甘棠傳作注義與舊注互相發明

滋然謹按慧琳一切經音義二十六憩駕注引
尔足云憩止也注云止之息也經注均與郭本
不同亦舊注也

篡取也

郭注篡者奪取也一切經音義二篡居注引尔足

舊注云盜位曰篡白虎通云篡猶奪也取也郭言
奪取蓋渾言之舊注盜位曰篡蓋切言之說文云
逆而奪取曰篡卽其義也

釋言第二

怵恃也

郭注今江東呼母爲怵邵氏正義云龍龕手鑑一
引尔疋舊注云怵恃事自怵也說文無怵字土部
埶恃也卽怵字郝氏義疑云廣韵引尔疋一云恃
事曰怵此蓋尔疋舊注均與郭注不同

臞瘠也

郭注齊人謂瘠瘦爲臞而于臞字無訓文選謝靈運初去郡詩注引尔疋舊注曰臞肉之瘦也說文臞少肉也史記司馬相如傳云形容甚臞索隱引韋昭曰臞瘠也舍人曰臞瘦也通作癯釋文臞字又作癯文選注臞與癯同均足吕補郭所未詳

滷苦也

郭注滷苦地也說文作鹵云西方鹹地也繫傳臣錯按尔疋注云齊有海濱廣斥也玉篇滷下引書

海濱廣滷繫傳所引蓋尔疋舊注舊注本于書郭氏不用此義故不同也

割裂也

補

滋然謹按慧琳一切經音義五十一斷割注引鄭注尔疋割裂也與經文同郭云未詳說文割剝也从害聲釋文古害反舍人本作害釋名云害割也如割削物也割从害聲割害二字呂聲爲義郭氏未檢鄭注耳

莢騷也莢亂也

說文繫傳萋亂也徐鍇引尔足注云騅類也此舊
注也萋亂見釋艸郭注詩曰毳衣如萋萋草色如
騅在青白之間其字从馬不从鳥此云騅者說文
云萋萋之初生一曰亂一曰騅詩大車傳萋騅也
釋文从馬旁云如騅馬色也詩正義从鳥鄭志荅
張逸云騅鳥青非艸色亂亦青故其青者如騅蓋
正義所本郝蘭皋謂馬瑞辰乃據毛傳本作騅釋
文蓋據尔足改毛傳作騅今按舊注从毛郭氏折
衷二說而左右其詞當曰舊注爲是

郵過也補

滋然謹按慧琳一切經音義八十三郵駿注引
鄭注尔疋云郵道路過也郭注云道路所經過
亦本鄭義

愧慚也補

滋然謹按慧琳一切經音義二十四挫慙注引
鄭注尔疋云心愧曰慙郭氏無注方言慙慚也
郭注引小尔疋曰心愧爲慙今本小尔疋作心
慙曰慙愧與慙同義故尔疋無慙字

遞迭也補

滋然謹按慧琳一切經音義七十七遞更注引
鄭注尔疋云遞更易也說文遞更易也書益稷
正義引李巡注尔疋云遞者更迭與鄭注異郭
注亦止更迭二字義本李巡故不用許鄭說

彌終也補

滋然謹按慧琳一切經音義二十二其心彌廣
注引鄭注尔疋曰彌極意也言心極廣大也說
文作彌云久長也久長與廣大義近與終義亦

近郭注終竟也語雖與鄭注異而義實相輔也

釋訓第三

晏晏溫溫柔也

補

滋然謹按慧琳一切經音義七十六溫適注引鄭注尔足云溫謂和柔也按詩小宛傳溫溫和柔兒抑傳溫溫寬柔也邵氏正義云後漢書引尔足云晏晏溫也和疑舊注有溫也和之訓故章懷引作正文矣慧琳又引毛詩鄭箋云溫顏色和也鄭氏箋詩注足均申毛詁郭注皆和柔

實用鄭氏注也

懋懋勉也

補

滋然謹按慧琳一切經音義三十德懋注引鄭注尔及云懋謂自勉强也郭注云皆自勉强卽用鄭注

釋親第四

父之從祖昆弟爲族父補

滋然謹按慧琳一切經音義八大族注尔及曰父之從祖昆弟爲族鄭注云族聚也郭無此注

白虎通族者湊也聚也謂恩愛相流湊也與鄭
義同

釋宮第五

大者謂之棋

郭氏於棋無注帝範審官篇注引尔疋注曰棋棧
也大者謂之棋料也廣韻云料柱上方木也太平
御覽三百三十七引埤蒼云棋大弋也義相合帝
範所引埤爲舊注無疑郭氏二句合注云別棧所
在長短之名實胎息於此

栢謂之案

滋然謹按郭注卽櫨也日本源順著和名類聚

抄

抄本俗字
今从原本

十卷引用小學古書甚多狩谷氏

爲之箋注一一攷其出處甚爲精審其居處部
栢下引尔尼注云梁上謂之栢構櫨也狩谷氏
謂所引爲尔尼舊注

栢謂之椽

郭注屋椽帝範審官篇注引尔尼注曰栢椽也一
曰栢也與郭異郝氏義疑謂所引蓋舊注之文郭

氏亦本舊注也

滋然謹按日本狩谷望之箋注和名類聚抄楸
下引尔疋注云楸屋四阿大榎也與郭注及帝
範審官篇注所引均不同狩谷氏箋注亦云蓋
尔疋舊注郭氏敘云雖注者十餘蓋舊注不止
一家各本不同也

檐謂之楸

郭注屋栝邵氏尔疋正義云眾經音義引舊注云
楸亦楣也與郭注異說文檐槐也槐栝也栝楣也

楣秦名屋樞聯也齊謂之檐楚謂之栒特性饋食
凡疑引孫炎云謂室栒周人謂之栒齊人謂之檐
是滴楣栒三字均訓檐郭氏折衷舊注雖有異文
無異義也

宮中衙謂之壺

補

滋然謹按郭璞云巷閣間道慧琳一切經音義
八十三壺與注引尔疋宮中衙謂之壺鄭注巷
舍間道也詩小疋巷伯正義引孫炎曰壺巷舍
間道也孫炎受學鄭元之門注經多用師說郭

注巷閭間道卽采用鄭孫之說而偶異其詞耳

釋器第六

輿革前謂之鞮

郭注呂韋鞮車軾說文繫傳鞮下引尔疋注呂韋
鞮輿前也與郭注文義小異蓋舊注也詩載驅正
義引李巡曰輿革前謂輿前呂革爲車飾曰鞮義
亦略同

肉謂之羹

郭注肉臠也廣疋曰湑見左傳按廣疋臠謂之臠

王念孫疑證云尔疋肉謂之羹太平御覽引舊注云肉有汁曰羹釋名云羹汪也汁汪郎也古讀羹如岡與汪郎韵凡經羹定羹飪鄭注竝云肉謂之羹士昏凡大羹湑在饗鄭注大羹湑煮肉汁也今文湑作汁與尔疋舊注同

魚謂之鮓

郭注鮓鮓屬也見公食大夫凡按說文鮓魚脍醬也出蜀中書鈔一百四十六引尔疋舊注云蜀人取魚曰爲鮓與說文合郭曰鮓爲鮓屬者非也鮓

乃呂鹽藏魚鮓是呂魚作醬尔疋方釋諸醬之名
說文甚允郭既誤注尔疋爲韻又承郭注而誤

木謂之刻補

滋然謹按慧琳一切經音義六十五刻鏤注引
尔疋木謂之刻注云治璞之名也按郭注金謂
之鏤六句云皆治器之名不云治璞各句亦無
分注是必尔疋舊注分句爲解郭注渾而言之
皆治器之名故慧琳引之不稱郭注慧琳音義
引疋注通

例舍人劉歆樊光李巡鄭元孫炎郭璞等均明標姓氏惟舊注止單言注

骨鏃不翦羽謂之志

郭注今之骨髀也太平御覽三百四十九引舊注云不翦謂呂鳥羽自然淺狹不復口也與郭注異

釋樂第七

大琴謂之離

郭注或曰琴大者二十七弦未詳長短廣仄曰琴長三尺六寸六分五弦初學記引樂錄曰大琴二十弦今無此器太平御覽五百七十七引尔尼注云大琴曰離二十弦此係伏羲所制蓋舊注也郭

注作二十七弦疑與大瑟相涉而誤上文大瑟謂之灑郭注二

弦十七當呂舊注爲是

大管謂之箏補

滋然謹按原本玉篇此真類黃門原快雖零本僅三卷半注文之詳校今

現行之大廣益會本奚齋溢出十倍此書已逸千三百年光緒壬午遵義黎氏庶昌奉使日本

搜求得之刊入古逸詭省侖爲侖此其叢書始流傳于中土侖部侖原本玉篇字多奇

也一注引尔疋大侖管謂之侖郭璞曰管長尺圍

寸併漆之有底賈氏呂爲如篪六孔今本尔疋

作大管謂之箏無兩侖字原本玉篇旣于侖字

下引尔足則此兩侖字必非誤衍可知又引周
卍侖師鄭注及毛詩卍文王世子呂證之均爲
舊本無疑其於管上加侖字者疑係舊注申明
侖管之詞顧氏渾合爲一句耳此一義也下文
繼言大箒箒者侖之段借謂之產者乃統釋侖之大小
此經言大侖管謂之侖者乃專釋侖管之大小
此又一義也今郭本作箒者蓋涉於上文大磬
謂之馨孫炎注馨喬也喬高也太平御覽五百
八十引舍人曰大管聲高故曰箒箒者高也郭

氏遵用二家之注故改舊本之倫爲箒而竝刪
上倫字耳喬本訓高馨箒均後起俗字

徒歌謂之謠

郭注詩云我歌且謠按初學記引韓詩章句有章
曲曰歌無章曲曰謠又引尔足注云謂無絲竹之
類獨歌之詩校郭氏語意加詳蓋舊注也正義引
孫炎曰聲消搖也搖與謠通凡檀弓云孔子消搖
而歌此歌卽徒歌矣

春爲蒼天夏爲昊天

按說文界春爲昊天元氣昊昊从日亦亦聲尚書堯典正義云鄭元讀尔疋云春爲昊天夏爲蒼天詩黍離正義引五經異義天號今尚書歐陽說春曰昊天夏曰蒼天尔疋亦云又引鄭君駁曰尔疋皆孔子門人所作呂釋六藝之言蓋不誤也春氣博施故呂廣大言之夏氣高明故呂遠大言之張揖廣疋亦云東方昊天是許鄭張揖所據尔疋皆本尚書歐陽說此卽春昊夏蒼之舊注本也白

虎通四時篇引尔疋春曰昊天夏曰蒼天又引尔
疋一說春爲蒼天夏爲昊天是尔疋舊有二本當
巨尚書歐陽說爲古注故許鄭用之李孫易爲春
蒼夏昊爲郭氏所本白虎通別爲一說當呂前說
爲正堯命羲和而云欽若昊天必非夏也詩黍離
上言彼黍離離下言悠悠蒼天必非春也此
經文之
足徵者

十一月爲辜補

滋然謹按隋著作郎杜臺卿撰玉燭寶典十二
卷今缺第九卷其書用小戴記月令爲主月爲

一卷博引經典頗號洋洽仲冬月引尔疋曰十

一月爲事并引李巡注十一月万物虛無須陽

任養故曰事任也孫炎曰物幽閑

按幽閑常條幽閑二字黎

氏所得原書係舊鈔卷子本書多行罅悉照原本用西法影照付刊不敢更易一畫慎之至也

蟄伏如有罪事今尔疋作十一月爲辜郭氏無

注杜氏所引李孫二注亦不見於羣籍近世歷

城馬國翰按輯尔疋佚注頗爲詳贍其輯李巡

注三卷孫炎注三卷均無此二條按釋詁云辜

辜古罪字也一切經音義二引尔疋舊注云辜凡

義之罪也用呂釋月名義頗牽強故郭注邢疑
皆闕而不論邵氏尔疋正義亦云辜義未詳郝
氏義疑呂辜爲故之段借云十一月陽生欲革
故取新終屬望文生義辜蓋事之訛文轉寫偶
誤耳玉燭寶典引稱十一月爲事及李孫二注
均爲舊本舊注特其書佚于北宋呂前幾及千
年光緒初元遵義黎氏庶昌奉使日本披輯遺
書二十六種刊而行之其書始入中國故先世
說經諸家無从據引今爲引申而疑證之如此

扶搖謂之焱補

滋然謹按郭注云暴風从下上慧琳一切經音義五十一驚飈注引鄭注尔疋云飈風从下向上者詩正義引李巡曰扶搖从下升上故曰焱焱上也孫炎曰迴風下上曰焱通作颿說文颿扶搖風也月令注回風爲焱孫炎師事鄭元故注尔疋用鄭義郭氏云風从下上亦用鄭元舊注也

蜺爲挈貳

郭注蛻雌虹也邵氏正義云孟子舊疑引尔疋曰
雲出天之正氣雄謂之虹雌謂之蛻劉璧齋云此
蓋注尔疋家舊說攷漢書天文志注雄曰虹雌曰
蛻古微書引春秋元命苞陰陽交爲虹霓皆與舊
疑所引合的是舊注決非經文劉說是也

久雨謂之淫淫謂之霖補

滋然謹按日本狩谷氏箋注和名類聚抄霖下
引尔疋注云霖一名淫久雨也今本尔疋釋天
久雨謂之淫郭注引左傳曰天作淫雨雨自三

日已上爲霖均與和名類聚抄所引不同狩谷氏謂爲尔疋舊注其說是也

箕斗之間漢津也補

滋然謹按郭注箕龍尾斗南斗慧琳一切經音義五十皺箕注引鄭注尔疋言盛米寫斛中者也不言星名然尔疋通篇除此句外別無箕字鄭益專釋箕之本義也

北極謂之北辰

郭注北極天之中呂正四時周礼大宗伯疑尔疋

北極謂之北辰鄭注云天皇北辰耀魄寶又云昊

天上帝又名大一常居

阮本闕監毛本常居作帝君

是天皇上

帝之號史記天官書云中官天極星其一明者大

一常居也索隱引尔及爲證此吕紫微星爲北辰

也戴震尔及文字攷序云是書舊注之散見者六

家健爲文學劉歆樊光李巡鄭康成孫炎皆闕佚

難吕輯綴是鄭氏之有尔及注古籍則有史記索

隱近徵則有東原大儒自阮氏周胤校錢記云此

鄭注文耀鉤也上引文耀鉤可證因文承尔及之

下而或云鄭有尔疋注誤讀此疑矣南康謝啟琨
編小學攷竟謂鄭氏無尔疋注係周夙大宗伯疑
誤引殊近武斷蓋一則篤信阮氏校笺記一則呂
郭景純尔疋序獨標捷爲文學劉歆樊光李巡孫
炎而獨遺鄭氏隋書經籍志唐經典釋文均無標
列鄭注之文遂專據阮說直斥賈疑爲誤引不知
郭序原云注者十餘猶未詳備所標五家蓋就其
已成卷帙者而言其餘散文碎義多闕而不論前
漢終軍始辨豹鼠之疑郭曾言及并著錄豈獨

一鄭康成耶

探炎師事鄭元其說鄭氏箋詩注凡語注尔足多用鄭說

多通用若泥阮氏之說已注尔足之言遂不得以注文耀鉤似非通論康成東京大儒羣經皆有解說况詩箋凡注采用尔足實多豈得於此經豪無訓釋卽無賈疑一引亦不得斷其無尔足注也

滋然謹按初讀先君子尔足舊注攷至此条竊以康成緯書六天帝之說後儒多所不尔足載北極于星名似不得指爲天帝之號又吕公彥札疑東原經訓阮氏校箋謝氏小學說經均

極詳慎何呂語相徑庭疑莫能明及供差日下
得釋慧琳一切經音義一百卷讀之終篇其明
引鄭注尔疋者都十有四事始服先君子之言
信而有徵愚昧懷疑實屬淺見使琳書早入中
國阮氏謝氏讀之必不至有此誤也

奔星爲彗約

開元占經七十一引尔疋舊注云流星大而疾曰
奔是也說文無彗字人部彗約也占經引尔疋舊
注云彗便窵切郭注流星卽省舊注呂立言

錯革鳥曰旗

郭注謂合剝鳥皮毛置之竿頭太平御覽三百四十引尔疋舊注云刻爲革鳥置竿首也與郭注剝鳥皮毛不同詩正義引孫炎曰錯置也革急也書急疾之鳥於緣也公羊宣十二年妖引李巡云呂革爲之置於旒端其說又異此爲郭義所本參攷衆說當呂孫炎爲長舊注次之郭義爲短

釋地第九

邑外謂之郊郊外謂之牧牧外謂之野野外謂之林

林外謂之坳

郭注邑國都也段令百里之國五十里之界界各
十里也按詩駟傳邑外曰郊郊外曰野野外曰林
林外曰坳說文邑外謂之郊郊外謂之野野外謂
之林林外謂之坳俱本尔疋而無郊外謂之牧句
詩干旄傳云郊外曰野正義云略尔疋之文又叔于田箋及
遂人注亦云郊外曰野士師注郊外謂之野疋云
郊外謂之野尔疋文又縣士注郊外曰野疋云尔
疋云郊外曰野士相見礼疑詩甫田正義後漢書

班彪傳注皆引郊外曰野高注呂氏春秋季春紀
淮南時則訓竝云廣平曰原郊外曰野韋注晉語
亦云郊外曰野皆用尔足文周語國有郊牧韋注
云國外曰郊牧放牧之地而不云牧在郊外邵氏
正義云眾經音義引尔足舊注云邑外謂之郊郊
外謂之野野外謂之牧牧外謂之林皆各七里林
外謂之坳無里數所引經文里數均與郭異文選
西都賦注亦作邑外曰郊郊外曰野是李善所見
本與毛許鄭同皆舊注也

下溼曰隰

郭無注郝蘭皋謂一切經音義四引尔疋舊注云隰溼墊也釋名云下溼曰隰隰墊也詩車鄰正義引李巡曰下溼謂土地窟下常沮洳名爲隰也

九夷八狄七戎六蠻謂之四海

郭注九夷在東八狄在北七戎在西六蠻在南次四荒者太平御覽三十六引舍人云晦冥無識不可教誨故曰四海詩蓼蕭正義引孫炎曰海之言晦晦闇於朮義也曲朮正義引李巡注四海遠於

卷之八 人本在正五言元

二四 川一 文

四荒餘同舍人初學記謂之四海下言皆近於海也郝氏義疑謂似引尔疋舊注之文與諸家異義也夷狄戎蠻之數亦各不同惟蓼蕭箋九夷八狄七戎六蠻謂之四海與尔疋合職方氏及布憲注亦引尔疋云九夷八蠻六戎五狄謂之四海嘉定錢氏姑尔疋釋地四篇注云周礼四夷六狄五戎八蠻明堂位九夷五狄六戎八蠻數既不同而俱系尔疋則師說相傳必非一本矣

尔疋舊注攷證卷上終

男滋然敬書校

尔足舊注攷證卷下

長壽李曾白著男滋然補攷

釋上第十

前高旄丘補

滋然謹按郭注引詩旄丘之葛兮原本玉篇螚
注云說文螚丘也野王按尔足前高後下曰螚
上詩旄丘傳前高後下曰旄丘釋文引字林作
螚尔足釋文亦引字林作螚又作螚文選荅賓
戲注應劭引尔足正作前高螚丘又內則注牟

讀曰整卽此整字郝氏義疑謂鄭應同時蓋必
所見尔足本作整丘故一讀一引字俱作整可
知郭本作旄段借字耳後下二字本於毛傳非
顧氏妄增整整旄三字同聲釋文俱音亡付反
當从鄭應義爲長

宛中宛丘

郭注中央隆高元和郡縣志引尔足舊注云四方
高中央下曰宛詩宛丘毛傳四方高中央下曰宛
丘正義引李巡孫炎皆云中央下郭獨呂爲中央

隆峻與諸家異正義駁之云尔疋上文備說丘形
有左高右高前高後高若此宛丘中央隆高是中
央高矣何吕變言宛中其駁是也釋山宛中隆亦
謂中央下而四邊高因其高處名之爲隆釋丘據
中言故曰宛釋山據外言故曰隆郭注山中央高
誤與此同

天下有名丘五其三在河南其二在河北

郭注說者多吕州黎宛營爲河南潛敦爲河北邵
氏正義亦云吕州黎宛營爲河南潛敦爲河北者

蓋漢呂來之舊說亦氏義疑直呂郭注說者呂下
二句蓋本尔及舊注之文

釋水第十二

水注川曰谿注谿曰谷注谷曰溝注溝曰澮注澮曰瀆
瀆

郭注此皆水道轉相灌注所入之處名邵氏正義
云太平御覽七十五引舊注云水流不絕曰瀆校
郭氏加詳

釋草第十三

蒼山蔥

郭注蒼蔥細莖大葉一切經音義八蒼蔥注引尔
足蒼山蔥注云蒼一名山蔥并州呂北多饒蒼蔥
較郭璞加詳邵正義郝義疑均指爲尔足舊注

朮山薊補

滋然謹按和名類聚抄朮下引尔足注云朮似
薊生山中故亦名山薊也郭注引本草云朮一
名山薊今朮似薊而生山中與源氏所引同狩
谷氏箋注謂源氏所引蓋尔足舊注郭依之也

菊蕪豕首

郭注本草曰舜盧一名蟾蠩蘭今江東呼豬首可
呂燭蠩蛹說文繫傳艸部蕪下引尔疋注卽今地
菘艸也郭無此文義亦各別蓋尔疋舊注也圖經
云天名精生平原川澤夏秋抽條頗如薄荷花紫
白色葉如松葉而小故南人謂之地菘與舊注同
蕪蘆葩

郭注葩宜爲葍蘆葍蕪菁屬紫花大根俗呼電蕪
按本艸蜀本圖經引尔疋舊注紫花菘也俗呼温

菘似蕪青大根一名突俗呼電莢一名蘆菘今謂
之蘿蔔與郭注大同小異方言云其紫花者謂之
蘆菘東魯謂之拉遠郭注今江東名爲溫菘實如
小豆亦與尔疋舊注略同郭氏尔疋序云雖注者
十餘然猶未詳備今各家俱佚惟郭注尚存其散
見羣書得吕鉤攷者尚有雋爲文學劉歆樊充李
巡鄭康成詳北極謂孫炎六家郭敘又云博闕羣
之北辰句言是十餘家舊注皆景純所折衷依據吕立言也

荅接余

說文繫傳艸部荅下引尔疋注則今之荅菜也今
郭注云叢生水中央圓在莖端長短隨水深淺江
東食之亦呼爲荅與徐氏所引不同殆亦郭氏依
舊注而引申其義耳

𪗇補

滋然謹按和名類聚抄𪗇下引尔疋注云𪗇
𪗇小瓜名也郭注俗呼𪗇瓜爲𪗇與源氏異源
氏所引蓋舊注也說文𪗇𪗇也𪗇小瓜也詩絲
箋釋文引韓詩云𪗇小瓜也正義引舍人曰𪗇

名酌小瓜也孫炎云酌小瓜子如酌皆同舊注
類鼎董

郭注似蒲而細戴侗六書故引尔疋舊注云狀似
蒲而細可爲屨亦可爲索較郭注加詳郭蓋折衷
舊注而約言之耳

須葑菘

郭云未詳說文葑須從也詩谷風傳葑須也正義
引孫炎曰須一名葑菘鄭箋及坊記注並云葑蔓
菁也齊民要術引尔疋江東呼爲蕪菁或爲菘菘

須音相近郝氏義疑謂齊民要術所引蓋尔足舊
注之文邵氏正義云太平御覽引尔足舊注云江
東呼蕪菁爲崧崧須崧葑聲俱相近是須卽蕪菁
一名蔓菁也與齊民要術所引合皆舊注之足徵
者郭氏偶未檢及尔爲未詳邢氏遂尔毛所云移
屬於後之須葑蕪意謂詩尔葑菲竝言而須葑蕪
與菲息菜亦竝列則毛云須者謂葑蕪也不知詩
本言葑毛尔足諸州惟須有葑之名因乃尔須
訓之是主葑尔求須初不意在須也邢氏乃執須

之名而忘置其詩之所言呂轉求于蒼蕪知有傳而不知有經皆泥于郭氏而不攷舊注之過

莞苻離

郭注今西方人呼蒲爲莞蒲詩斯干箋莞小蒲也正義引某氏曰本草云白蒲一名苻離楚謂之莞蒲類聚八十二引舊注云今水中莞蒲可作席也韻會四支離注引尔疋舊注楚謂之離晉謂之藟齊謂之藟語校郭璞更加詳明

紅龍古其大者藟

郭注俗呼紅草爲龍古語轉耳邵氏正義本草唐
本注云尔疋云紅亦名龍藪大者名藪則最大者
不名龍藪邵氏謂唐本所引蓋尔疋舊注之文

臬麻補

滋然謹按郭注別二名說文云麻臬屬也和名
類聚抄麻苳下引尔疋云臬麻之有子名也今
郭注止云別二名與此異狩谷氏箋注云此所
引尔疋舊注也

釋木第十四

楸木瓜補

滋然謹按和名類聚抄木瓜下引尔疋注云木
瓜亦名楸其子如小瓜者也郭注云實如小瓜
酢可食與源氏所引略異狩谷氏箋注謂源氏
蓋引尔疋舊注按此亦郭氏折衷舊注而引申
其義也

棕即來

太平御覽九百六十一引尔疋舊注云棕有髓能
折而乳之與郭注今棕材中車朝文義俱異

滋然謹按和名類聚抄棕下引尔足注云棕一
名卽椶狩谷氏箋注云蓋釋木舊注也說文棕
卽來源氏引从未作椶俗字

檉河柳補

滋然謹按和名類聚抄檉下引尔足注云檉亦
名河柳郭注今河旁亦莖小楊爲源氏所不載
狩谷氏箋注云源氏所引蓋舊注也

諸慮山補

滋然謹按和名類聚抄藤下引尔足注云苗藤

也似葛而大郭注今江東呼罌爲藤似葛而麋
大狩谷氏箋注謂源氏所引蓋尔疋舊注而郭
依之也

又按釋文罌字或作藁說文苗艸也引詩莫莫
葛藟又云藁木也繫傳云本草謂嬰爲千歲藁
卽今人言萬歲藤大者如盎又冬不彫故从木
其形蔓又似草故从艸在艸木之間也藁藟古
皆通用罌則後儒轉寫因一字而兼艸木二形
故省艸作罌不知苗訓艸乃其本義其訓木者

乃別一義許君艸部藟下引詩莫莫葛藟呂說
本義木部藟下僅云木也全書竝無藟字是其
證也

櫬梧

郭注今梧桐齊民要術梧桐下引尔足櫬梧注云
今梧桐皮青者曰梧桐要術凡引郭注者多標明
郭氏今單言注而又與郭義不同與引須葑從同
例太平御覽引爲尔足舊注可證郝氏義疑于彼
則从御覽稱舊注于此則指爲脫文殊屬兩歧

樸枹者

郭注樸屬叢生者爲枹詩所謂棫樸枹櫟說文繫
傳樸棗也臣錯按尔疋樸枹者注吕詩棫樸言枹
櫟也按尔疋釋木方說諸棗則解者自然吕樸爲
棗也許慎所引尔疋注在張揖吕前此係舊注而今學
官所列及臣錯所引是晉郭璞所吕有與許慎不

同也

櫟槐大葉而黑守宮槐葉晝聶宵炕補

滋然謹按和名類聚抄槐下引尔疋注云葉小

爾雅釋木疏卷下
而青曰槐葉大而黑曰榿葉晝合夜開謂之守
宮槐與郭注槐樹葉大色黑者名爲榿槐葉晝
日聶合而夜炕布者名爲守宮槐字句小異狩
谷氏箋注云此所引蓋舊注也此亦郭氏折衷
舊注而變文呂釋經耳

棧白椴

繫傳木部椴下引爾雅棧白椴注云山中木也藪
生有刺實如耳璫紫亦可啖今郭注無山中木也
句蓋引申舊注之文而節刪此句耳

桃曰膽之

郭于此句無注郝氏義疑云初學記御覽竝引舊注云膽擇取其美者內則疑云桃多毛拭治去毛令色青滑如膽也

釋蟲第十五

蝟娘蝟蟾蝟蝟蝟補

蝟螻蝟補

滋然謹按和名類聚抄蟬下引尔氏集注沈此

集注良蝟螻蝟蝟蝟蝟蝟皆蟬類也五

采具謂之良蜩小而文謂之蜚蜻也今郭注
蜚蜻云夏小正傳曰蜚蜻者五彩具注蜚蜻云
夏小正傳曰蜚蜻者蜚俗呼爲胡蟬江南謂之
蜚蜻注蜚蜻蜻云如蟬而小方言云有文者謂
之蜚夏小正曰鳴蜚虎懸注蜚蛭蛭蛭云卽蜚
蛭也一名蜚蛭齊人呼蜚蛭源氏所引尔足集
注惟良蜩蜚蜻與郭注略同餘皆總括之曰蟬
類與郭氏逐句爲注者不同狩谷氏箋注云源
氏所引蓋尔足舊注然蜚蛭蜚蛭皆非經文

則注不應舉之而言皆蟬類此蓋有錯誤那波
本良皆作娘與郭本尔足合然類聚名義抄伊
呂波字類抄亦作良蓋舊注本作良不與郭同
也又云明本尔足蟾蜍作蟾蜍宋元本作蟾蜍
與此合尔足釋文亦作蜍今按毛詩蕩正義引
陸機疑云蟾亦名蜍其言與夏小正合莊子云
蟪蛄不知春秋蜎蟾蜍亦見于郭注安知非舊
本有此五字郭本脫漏不得概謂之錯誤也

蚊蟻蚋

尔足音義攷證云一切經音義十五引尔足注云
江南呼爲黃瓦與郭注甲蟲也大如虎豆綠色今
江東呼黃蚺前同後異邵氏正義疑爲轉寫之譌
今按一切經音義十五蟻蜂注云尔足蚻蟻蚺注
云甲蟲也大如虎豆綠色今江南呼爲黃瓦雖大
半仍同郭注而江東江南黃蚺黃瓦形聲義均不
同恐非盡由傳寫之誤郝氏義疑云郭呂綠甲蟲
爲黃蚺今甲蟲綠色者長二寸許金碧熒然攷證
又云御覽引孫炎云翼在甲裏呂其有甲所呂得

黃瓦之名據此則江南黃瓦取證顯然決非誤字
此必舊注之文郭氏采之而參己意故有異文

蠶打螳補

滋然謹按和名類聚抄赤蟻下引尔疋集注云
赤駁蚘蟬一名龍灯赤蟻也郭注祇赤駁蚘蟬
四字無一名及赤蟻也五字狩谷氏箋注謂源
氏所引尔疋舊注也

鬪飛螳補

滋然謹按和名類聚抄飛蟻下引尔疋集注云

蟹一名飛蟻蟻有翼而能飛者也郭注祇云有翅二字狩谷氏箋注謂源氏所引蓋舊注也

釋魚第十六

蜃小者玳補

滋然謹按慧琳一切經音義八十五爲蛤注引鄭注尔疋云百歲鷄入水化爲蛤今尔疋無蛤字月令鄭注大蛤曰蜃上文蚌含漿郭注蚌卽蜃也晉語雉入于淮爲蜃注云小曰蛤大曰蜃是蜃卽蛤屬故尔疋無蛤字礼月令季秋雀入

大水爲蛤孟冬雉入大水爲蜃鄭注尔疋與月
令國語異周礼鹽人注云蜃大蛤疑曰尔疋文
說文蛤蜃屬有三皆生于海千歲化爲蛤又云
百歲所化說文無鷓字鄭注當作燕琳音多俗
字誤廁鼻旁耳琳音九十七爲蛤注又引說文
亦作鷓均增衍偏旁當呂說文爲正字郭氏蜃
下未引鄭注蓋从略耳

元貝貽貝補

滋然謹按和名類聚抄貽貝下引尔疋注云貽

貝一名黑貝郭注黑色貝也義同而文小異狩
谷氏箋注謂爲尔疋舊注按尔疋無黑貝之名
不得云一名黑貝黑恐元之論文

騰騰蛇

郭注龍類也能興雲霧而游其中說文騰神蛇也
通作騰大戴礼勸學篇云騰蛇無足而騰荀子作
螭蛇無足而飛邵氏正義郝氏義疑俱云後漢書
注引尔疋舊注云騰蛇有鱗是爲龍類爲郭所本

三曰攝龜補

滋然謹按和名類聚抄攝龜下引尔疋集注云
攝龜一名陵龜小龜也郭注小龜也腹甲曲折
解能自張閉好食蛇江東呼爲陵龜義同此注
而語意加詳狩谷氏謂源氏所引蓋尔疋舊注
郭氏乃引申舊注之文無異義也

釋鳥第十七

鷗鳳其雌皇補

滋然謹按郭注瑞應鳥鷄頭蛇頸燕領龜背魚
尾五彩色其高六尺許和名類聚抄鳳凰下引

尔足云雄曰鳳雌曰凰羽蟲之長也狩谷氏箋
注謂此所引非尔足正文又非郭注恐係舊注
之文按詩卷阿傳雄曰鳳雌曰凰大戴記云羽
蟲三百六十而鳳凰爲之長漢儒注尔足多用
毛傳的爲舊注之文兼采大戴記也

燕燕鳥

郭注詩云燕燕于飛一名元鳥齊人呼鳥說文燕
元鳥也又云乙元鳥也齊魯謂之乙取其鳴自呼
象形乙或作鳥太平御覽九百二十三引尔足舊

注云齊曰燕梁曰胤與郭注異臧庸呂爲孫炎義
按馬氏國翰輯尔足孫氏注無此二句迨本舊注
孫氏引申其義耳

生哺穀生噶雛補

滋然謹按和名類聚抄雛下引尔足云鳥子生
須其母而食之謂之穀鳥子生能噶食謂之雛
今郭氏于生哺穀下注云鳥子須母食之于生
噶雛下注云能自食與源氏所引同狩谷氏箋
注謂源氏所引蓋尔足舊注文文選陳琳檄吳

將校部曲文注引尔疋曰生而自食曰雛待哺
曰穀此非經文亦是漢注均爲郭氏所本

鷓鴣補

滋然謹按和名類聚抄鷓鴣下引尔疋注云鷓
鴣水鳥也嘴頭如鉤好食魚也郭注皆頭曲如
鉤食魚無水鳥也三字狩谷氏箋注云源氏所
引蓋尔疋舊注郭注尔疋多采輯漢注而增減
其文此其一也

鷓鴣補

滋然謹按郭注似鴨而小長尾背上有文今江東亦呼爲鷓和名類聚抄鷓下引尔足注云鷓一名沈鳧貌似鴨而小背上有文狩谷氏箋注云一名沈鳧四字非郭注蓋舊注也按郭氏亦折衷舊注耳

鷓斲木

補

滋然謹按郭注口如錐長數寸常斲樹食蟲因名云和名類聚抄斲木下引尔足注云斲木一名鷓好食樹中蠹者也狩谷氏箋注謂源氏所

引蓋舊注也。按此與郭注意同，而語有增減。景純敘尔足云：錯綜樊孫博關羣言源氏所云集注者，殆會萃漢注之文，非沈旋所集之注也。

二足而羽謂之禽補

滋然謹按和名類聚抄鳥下云：尔足注云二足而羽者曰禽。一說飛曰鳥，走曰獸，惣謂之禽。此句郭無注，狩谷氏箋注云：據下引一說不載出，典疑是舊注，竝引經注也。今按源氏所引四句全係舊注，一說呂下乃別一義，與說文解字一

曰同例

釋獸第十八

鹿牡麇牝麇其子麇

補

滋然謹按和名類聚抄鹿下引尔疋集注云牝

鹿曰麇牡鹿曰麇其子曰麇

釋文麇本或作麇源君所據本亦作麇

麇今郭無注狩谷氏謂源氏所引蓋舊注也

豕子豕豕豕豕幼豕奏者豕生三豕二師一特所寢
槽四蹄皆白豕其跡刻絕有力豕牝豕

按齊民要術養豬篇引尔疋曰豕子豕豕豕豕幼

奏者豨豕生三縱二獅一特所寢櫓四躡皆白孩
其跡刻絕有力貌牝豕注云彘也其子曰豚一歲
曰縱總注爲彘與郭氏逐句爲訓者不同一歲曰
縱句與郭本亦異此亦舊注文說文豕彘也縱者
說文生六月豚一曰一歲曰縱詩騶虞箋豕生三
曰縱傳云一歲曰縱七月傳同鄭眾大司馬注一
歲爲縱二歲爲豕三歲爲特四歲爲肩五歲爲慎
舊注蓋折衷毛鄭許而約舉其詞郭注則采方言
毛鄭而詳爲之辨耳

麝父麝足補

滋然謹按和名類聚抄麝香下引尔足注云麝脚侶麝而有香今郭注脚侶麝而有香與源氏所引不同狩谷氏云此所引或尔足舊注也

麝大羊補

滋然謹按和名類聚抄麝羊下引尔足注云麝羊大於羊而大角與郭注麝羊侶羊而大角員銳好在山崖間詳略不同狩谷氏謂源氏所引蓋亦舊注

猩猩小而好曉補

滋然謹按和名類聚抄猩猩下引尔足注云猩猩能言獸也與郭注山海經曰人面豕身能言語今交趾封谿縣山猩猩狀如獾狔聲似小兒曉者詳略不同狩谷氏謂源氏所引蓋舊注也按舊注簡約郭氏補足文義曲凡猩猩能言不離禽獸又爲舊注所本

麤鼠

按春秋定十五年經麤鼠食郊牛正義引尔足注

云

今本作尔足無注字浦堂正誤云當脫注字

色黑而小有毒與郭注

有螫毒者稍異當是舊注

牛曰齧羊曰齧麋鹿曰齧補

滋然謹按和名類聚抄齧下引尔足集注云獸

吞芻噉反出而嚼牛曰齧羊曰齧

按齧為正字唐本凡从世

之字均避麋鹿曰齧今郭氏牛曰齧注云食之

已久復出嚼之羊曰齧注云江東呼齧為齧麋

鹿曰齧注云江東名咽為齧齧者齧食之所在

依名云而無獸吞芻噉反出而嚼二句狩谷氏

謂源氏所引蓋舊注也

寓鼠曰賺補

滋然謹按和名類聚抄猿賺下引尔疋注云猿
賺猿頰內藏食處也郭注頰裏貼食處寓謂獼
猴之類寄寓木上與此引不同狩谷氏謂源氏
所引尔疋舊注也

釋畜第十九

騏驎躡善陞甌

說文繫傳躡下引尔疋騏驎躡善陞甌注云騏驎

侶牛與郭注廐山形侶輓上大下小駮蹠蹠如躡
而健上山秦時有駮蹠苑不同蓋舊注也又下文
駮蹠枝蹠躡善陞廐郭注駮蹠亦侶馬而牛蹠均
折衷舊注

四駮皆白駮四躡皆白駮補

滋然謹按和名類聚抄駮馬下引尔尺注四駮
皆白曰駮駮謂膝以下也四躡皆白曰駮蹠蹠
也俗呼爲踏雪馬郭注無躡蹠也三字餘同源
氏狩谷氏箋注云所引蓋舊注也

回毛在膺宜乘

補

滋然謹按和名類聚抄迴毛下引尔疋注云迴
毛一名旋毛郭注引樊光云俗呼之官馬伯樂
相馬法旋毛在腹下如乳者千里馬校源氏所
引加詳狩谷氏謂源氏所引蓋舊注文按郭注
尔疋多折衷舊注而每有增省此通例也

駮牝驪牝元駒裏驂

郭注詩云駮牝三千馬七尺曰上爲駮元駒小馬
別名裏驂耳鄭注周礼夏官庾人引尔疋曰駮牝

驪牝元駒褒駮釋文牡驪絕句牝元絕句孫注作
駮牡與鄭同也鄭讀駮爲句牡驪爲句牝元爲句
與郭異檀弓注引尔疋曰駮牝驪牡元此必近人
依郭注尔疋竄改當呂庾人注爲正正義曰或尔
疋釋詩云駮牝據正義知尔記注本作駮牡不作
駮牝矣幸有二厖注及釋文尚見鄭注尔疋真本
也

角三齋羴

說文齋曲角也繫傳引尔疋注齋卷也與郭注齋

角三而義同文異此蓋舊注之文郭氏依之也

未成豪狗補

滋然謹按和名類聚抄犬下引尔疋舊注云狗子也郭注狗子未生輪毛者狩谷氏箋注謂源氏所引尔疋舊注也

尔疋舊注攷證卷下終

男滋然敬書校